



II. ATALA BIZKAIKO LURRALDE HISTORIKOKO TOKI ADMINISTRAZIOA

Mungiako Udala

Mungiako merkataritzan eta zerbitzuen sektorean zuzeneko kontsumoa sustatzeko «Mungibonoa» programaren oinarri arautzaileak.

2021eko azaroaren 23an Alkatetza Dekretuak honako ebatzte dau:

«Oinarrien testu osoa Bizkaiko Aldizkari Ofizialean, udaletxeko ediktu-taulan eta Udalaren webgunean argitaratzea.»

Erabagiari jarraituta, oso osorik argitaratuko da aitatutako testua I. Eranskina moduan.

Mungian, 2021eko azaroaren 23an. — Alkatea, Ager Izagirre

**MUNGIAKO MERKATARITZAN ETA ZERBITZUEN SEKTOREAN ZUZENKO KONTSUMOA SUSTATZEKO «MUNGIBONOA» PROGRAMAREN OINARRI ARAUTZAILEAK****1. Xedea**

Ekonomia suspertzen laguntzeko, Mungiako Udalak merkataritza- eta zerbitzu-sareari laguntzea du helburu, tokiko kontsumoa sustatzeko deskontu-bonoak sortuz.

Hala, Udalak, deialdi honen bidez, Mungiako kontsumo zuzena bultzatu nahi du, pandemiaren ondorioz kaltetutako sektore horietan suspertze ekonomikoa eta enplegua indartzeko.

2. Aurrekontua

Deialdi honetan gehienez ere 114.000 euro banatuko dira, deialdiaren xede diren laguntzak finantzatzeko indarrean dagoen udal-aurrekontuko 50/2317/47101 «Transfere-ntziak beste enpresa batzuei, ETEei eta autonomoei, COVID-19» partidatik.

3. Pertsona onuradurak

— 18 urtetik gorako Mungiako bizilagunek izango dute bonoaren deskontuaz baliatze-ko eskubidea.

— Pertsona bakoitzak —NAN bidez identifikatuta— gehienez ere 60 euro-ko balioa duten sei bono eskuratu ahal izango ditu.

— Bonoak deskontu gisa erabili ahal izango dira atxikitako establezimenduetan egi-ten diren erosketetan, era honetara:

- Banaka, 20 euros edo gehiagoko erosketetarako bono bakarra erabiliz.
- Gehienez 6 bonoak batera, 120 euro edo gehiagoko erosketa egitean.

4. Diruz lagunduko da

— Kanpainara atxikitako establezimenduetako kontsumoa lagunduko da diruz, horie-
tan eskuragarri egongo den mota bakarreko deskontu-bono baten bidez.

— Horretarako «Mungibonoa» izeneko 11.400 bono jaulkiko dira formatu digitalean edo fisikoan, eta bakoitzak 10 euroko balioa izango du.

— Atxikitze-aldia amaitzean eta programaren baldintzak bete direla egiaztatzean, bo-
noak programara atxikitako establezimenduen artean banatuko dira.

— Deskontu-bonoak trukatzeko erabiliko den sistema establezimenduetan trukatu-
ko den bonua izango da eta hauen aplikazioa establezimenduek beraiek egingo dute onda-
sunak eskuratzen edo zerbitzuak hartzen diren unean.

— Bonoak 2022/01/18an trukatu beharko dira beranduenez ere, eta ez dira diruz la-
gunduko egun horretatik aurrera egindako erosketak.

5. Establezimenduek bete beharreko baldintzak programara atxikitzeko

Atxikitako establezimenduetatik hartu ahal izango dira Mungian establezimendu ire-
ki bat duten merkataritza- eta zerbitzu-sektoreetako enpresa eta langile autonomoak,
haien jarduera, 2. Eranskinen Jarduera Ekonomikoen gaineko Zergaren epigrafeetako
batean sartzen bada.

Atxikitako establezimenduek Diru-laguntzei buruzko Lege Orokorraren 13. artikuluan
ezarritako baldintza guzti-guztiak bete beharko dituzte.

6. Establezimenduek programari atxikitzeko aurkeztu beharreko dokumentazioa

— Eskabide-orri normalizatua eta erantzukizunpeko adierazpena (sinatuta). 1. Erans-
kina.

— Errolda-egoeraren ziurtagiri eguneratua (Jarduera Ekonomikoen Ziurtagiria - EJZ),
kanpainan sartutako epigraferen batean alta emanda dagoela adierazten duena (2.
eranskina); horretarako, jarduera ekonomiko nagusiaren EJZ epigrafea aurkeztu behar-



ko dute, bertan ondoko datuak adierazita: alta data, helbide fiskala, eta, hala badagokio, jarduera garatzeko lokalaren erreferentzia.

— Banku-helbideratzearen fitxa. Negoziolari lotutako banku-kontuaren zenbakia duen inprimakia, dagokion finantza-erakundeak baliozkotua. Ez dute agiri hau aurkeztu behar-ko «Mungia Indartzen» ekimenaren aurreko deialdietan onuradun izan direnek, baldin eta Udalarekin duten erreferentziazko banku-kontua aldatu ez badute.

7. Eskabideak aurkezteko epea eta modua

— Eskabideak aurkezteko epea 5 egun naturalekoa izango da, deialdia Bizkaiko Aldizkari Ofizialean (BAO) argitaratu eta hurrengo egunetik hasita.

— Atxikitako establezimendua izateko aurkeztu behar diren eskabidearen eta erantzukizunpeko adierazpenaren eredu normalizatuak Udalaren webgunean egongo dira eskuragarri.

— Eskabidea Mungia Udaleko Herritarren Arretarako Zerbitzuan (HAZ/SAC) aurkeztuko da; edo, bestela, egoitza elektronikoaren bidez, dagokion dokumentazioarekin batera.

— Establezimendu batek aurkeztutako eskaera hartzeak (izapidetzeko) ez dio Udalari establezimendu horri diru-laguntza emateko inolako konpromisorik sortuko.

— Eskabide guztiak aztertu ondoren, gehienez ere 3 eguneko epean ebatziko da atxikitako establezimenduen zerrenda, eta eskaera egin duten establezimenduei jakinaraziko zaie, Mungia Udalaren webgunean argitaratuta.

8. Eskabidea zuzentzea

Programara atxikitzeko eskaerak oinarri hauetan ezarritako baldintzak betetzen ez baditu edo eskatutako dokumentazioa aurkezten ez bada, interesdunari eskatuko zaio gehienez ere bost egun balioduneko epean zuzen ditzala antzemandako akatsak. Epe hori igarota, eskaeran atzera egindakotzat joko da, urriaren 1eko 39/2015 Legearen 21. artikuluan aurreikusitako baldintzetan ebazpena eman ondoren.

9. Udalari aurkeztu behar zaizkion justifikazioa eta likidazioa

— Bonoak trukatzeko, aplikazio baterako sarbidea emango da.

— Atxikitako establezimenduek, likidazioa egiteko, App bidez erregistratu beharko dute salmentari dagokion ticketa edo faktura.

— Mungialdeko Behargintzak bonoen erabilera egokiari buruzko arrazoizko ebidentzia lortzea ahalbidetzen duten frogagiriak egiaztatuko ditu.

— Ez da onartuko bono bakoitzaren eta fakturaren arteko lotura zalantzazkoa erakusten duen frogagiririk.

— Udalak, gehienez ere bi hilabeteko epean, aurkeztutako bonoei dagokien zenbatekoa ordainduko dio establezimenduari, banku-transferentzia bidez, emandako kontu korrontearen zenbakian.

10. Atxikitako establezimenduen betebeharrak

— Oinarriak eta eurotan ezarritako konpromisoak onartzea, eta kontsumitzaileei programaren ezaugarrien berri ematea.

— Establezimenduaren kanpoaldean Mungibono programara atxikita daudela erakustea, publizitate-materialak ageriko leku batean jarri.

— Bezeroekiko tratuan berdintasunaren eta diskriminaziorik ezaren printzipioak errespetatzea, kanpainaren indarraldian bonoa erabiltzeko interesa duen pertsona orori bonoa erabiltzeko eskubidea ez ezkutatzeko eta ukatzeko.

— Erosleei dirurik ez itzultzea inola ere.

— Jasotako diruaren erabilera justifikatzen duten bonoak eta tiketak edo fakturak gordetzea, Mungialdeko Behargintzak egiaztatu eta kontrolatu ahal izan ditzan. Eskatzen den informazio guztia eman beharko dute.



– Diru-laguntzei buruzko Lege Orokorraren 37. artikuluan edota Mungiako Udalaren Diru-laguntzei buruzko Ordenantza Orokorraren 26. artikuluan ezarritako kasuetan jaso den dirua itzultzea.

– Diru-laguntzei buruzko Lege Orokorraren 14. artikuluan eta Mungiako Udalaren Diru-laguntzei buruzko Ordenantza Orokorraren 8. artikuluan zehaztutako betebeharrak betetzea.

11. Bateragarritasuna

Deialdi honen babesean lortutako laguntza bateragarria izango da beste administrazio publiko edota erakunde batzuetatik jasotako beste edozein diru-laguntza, laguntza, diru-sarrera edo baliabiderekin.

12. Datuen babesa

Datu pertsonalen tratamendu automatizatua. Datu pertsonalak babesteari dagokionez, Mungiako Udalak honako arauak ezarritakoa beteko du: Datuak Babesteko Erregelamendu Orokorra (2016/679 EB Erregelamendua) eta Datu Pertsonalak Babesteari eta eskubide digitalak bermatzeari buruzko 3/2018 Lege Organikoa. Bildutako datu pertsonalak Mungiako Udalaren ardurapeko tratamendu-jardueraren -Diru-laguntzak- parte izango dira. Jarduera horren helburua diru-laguntzak kudeatzea eta kontrolatzea, iruzurrari aurre egitea eta estatistika-helburuak betetzea da.

Bildutako datuak beharrezkoak dira Mungiako Udalari emandako botere publikoak gauzatzeko eta legezko betebeharrak betetzeko, eta gai horretan eskumenak dituzten administrazio publikoei jakinarazi egin ahal izango zaizkie.

Datuen titularrek euren datuak eskuratzeko, zuzentzeko, ezabatzeko, aurka egiteko eta tratamendua mugatzeko eskubideak baliatu ahal izango dituzte. Horretarako, Mungiako Udalari (Trobika kalea, 1) jakinarazpen idatzia bidali beharko diote. Datuen babesari buruzko informazio gehigarria eta zehatza helbide honetan ikus daiteke: <http://www.mungia.eus>.